



Prepared By:

**Mohamed Mahmoud Fouad**

السلام عليكم ورحمة الله وبركاته

موضوع اليوم مختلف تماما  
الموضوع عبارة عن تقنية مهمة جدا و مستخدمة بكثرة  
و يمكن استخدامها فى مشاريع التخرج 😊، و الأفكار جميلة

التقنية التى أتحدث عنها هى تقنية **RFID** او Radio Frequency Identifier  
و باللغة العربية : التعرف بواسطة ترددات الراديو

### مقدمة :

فى تقنية اسمها barcode و الترميز بالأعمدة زى اللى بتبقى على معظم المنتجات  
فى السوبر ماركت  
زى اللى فى الصورة دى مثلا .



و دى كانت بتستخدم للتعرف على المنتجات ،  
طيب ازاي ؟

بكل بساطة ، لما تدخل سوبر ماركت و تاخذ العربية و تختار الحاجات اللى انت عاوزها  
تروح للراجل علشان تدفع الحساب ( طبعا هو مش حافظ اسعار الحاجات كلها )  
فياخذ منك حاجة حاجة و بيعديها على ماسح ضوئى ( الماسح بيكون موجه للأعمدة  
السودة دى )

و بالتالى يقدر يعرف أنت اشترت منتج إيه و سعره كام و يقدر يعمل لك فاتورة كمان  
بالمنتجات اللى اشتريتها

### طيب، ايه بقى ال RFID و ايه علاقته بالكلام ده ؟

زى ماقلنا ال RFID = Radio Frequency Identification و بالعربى التعرف بواسطة  
ترددات الراديو

و دى تقنية بدأت سنة 1948 و بدأت فى الأنتشار من بداية التسعينات  
الفكرة انها شريحة صغيرة microchip متسجل عليها داتا عن شئ ما و لما بتكون  
موجودة فى المجال بتاع جهاز الاستقبال  
ال RFID Reader يقدرها يكلموا بعض و الداتا تنتقل عادى ( من غير بقى ماالراجل ياخذ  
من العربية منتج منتج و يحطهم قدام الجهاز )

يعنى بكل بساطة تدخل الماركت و تشتري البضايح و تحطها فى العربية ، و أول ماتقرب  
من الراجل فى جهاز هناك اسمه reader ده بيقدر  
يتعرف ع الحاجة اللى اشترتها عن بعد ( أمواج راديو ) و يقدر يحسب التكلفة و يعمل  
فاتورة كمان ( يعنى نقل للداتا عن بعد )

## طب ، هى بتتكون من إيه ؟

### RFID tag -1

و دى عبارة عن microchip اللى بنحفظ عليها الداتا و بيكون جواها ذاكرة طبعا و غالبا من نوع EEPROM يعنى قابلة لإعادة الكتابة والبرمجة و دى بتكون صغيرة جدا ، ده غير ان ممكن تكون على على المنتج أو ميدلية للتعرف ع الأشخاص أو يمكن زراعتها تحت الجلد لانها 1-2 مم

### RFID Reader -2

و دى عبارة عن antenna نقدر نقول انها الجهاز المستقبل و دى اللى بتقرأ الداتا من ال RFID tag


### Computer System-3

جهاز كمبيوتر نوصله بال Reader علشان لو هنععمل processing على الدتا المستقبلية مثلا عاوز اعرف سعر المنتج ، فيدور فى الداتا بيز اللى موجودة ع الكمبيوتر او عاوز يعمل فاتورة بالحاجات اللى اشتريتها

## أنواع ال RFID Tag



ده عبارة عن شريحة microchip غيرة جدا ، و ممكن زراعتها تحت الجلد ، وممكن تتعمل فى الكارنيه او ميدلية او غيره و بتنقسم لنوعين :



### Active -1

بتعتمد على وجود بطارية و بالتالى كفاءتها عالية بيوصل مداها لـ 100 متر و الذاكرة بتوصل لـ 128 كيلوبايت

### Passive -2

لاتعتمد على وجود بطارية 😊 ، تعمل على مبدأ دوائر الرنين Resonance Circuit بمعنى انها بتستخدم الموجات الكهرومغناطيسية الصادرة من ال Reader و بتحصل منها على الطاقة و بيصل مداها لـ 5 أمتار ، و الذاكرة لـ 256 بايت

تقنية ال RFID بتستخدم فى أماكن عديدة زي المكتبات و الحكومات و المحلات و المستشفيات و غيره



### RFID enabled shopping cart - 1

و دى نقدر نقول انها عربية تسوق ذكية شوية بيكون فيها شاشة بتعرض لك عليها انت اشترت ايه و التكلفة كام و كمان تقدر تدخل فيها معلومات الفيزا بتاعتك و تدفع ، يعنى كل المطلوب منك انك تختار البضائع بس و تحطها فى العربية . لا و كمان ممكن من الشاشة تعرف مكان منتج معين فى الماركت 😊



### RFID Fridge - 2

برده ثلاجة ذكية شوية ، بيكون فيها شاشة تقدر تعرفك الحاجات اللى فيها قليلة ولا ايه ، ولو انت برا البيت و الحاجة ناقصة تبعت لك رسالة SMS علشان تعمل حسابك وانت جاي و تشتري .

### Electronic passport - 3

و ده باسبورت بيكون عليه RFID tag صغير جدا و متسجل عليه معلومات عنك ، مجرد ماتدخل باب المطار يتعرف عليك و على كل حاجة عنك فى الباسبورت و طبعا ده هيووفر الزحمة والطوابير فى المطارات.

4- متابعة الحقائق فى المطارات ، لو كل حقيبة عليها RFID tag خاص بيها و طبعا ده هيووفر وقت كبير جدا و مشاكل المطارات

5- مثلا فى المستشفيات ، كل مريض يكون معاه ال RFID Tag بتاعه متسجل عليه معلومات عنه زي المرض ، و مواعيد الدواء و الكشف و هكذا و بكده الدكتور يقدر يتابع المرضى بكل بساطة ، بعيدا عن نظام الأوراق و التعرف على شكل المريض ، هو بمجرد ما يدخل هيطهر له كل معلومات المريض

6- فى المكتبات ، لتحديد أماكن الكتب و تم علمها فى العديد من المكتبات

7- فى مجال المراقبة و التتبع ، مثلا تتبع الأشخاص و السيارات



